



# PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete  
Porta-Voz

## Komunikadu Imprensa

### Sorumutuk Estraordinária Konsellu Ministrus nian iha loron 23 fulan-abril tinan 2020

Konsellu Ministrus hala'o sorumutuk iha Auditóriu Kay Rala Xanana Gusmão, iha Ministériu Finansas, iha Dili no aprova ona projetu Dekretu-Lei, ne'ebé apresenta husi Ministra Solidariedade Sosiál no Inkluzoan, Armanda Berta dos Santos, kona-ba apoiu osan nian ba uma kain sira, iha âmbito pandemia COVID-19. Medida ida-ne'e nu'udar intervensaun ida ba tempu badak hodi hasoru impaktu la di'ak husi COVID-19 ba meu subsisténsia husi família sira nian ne'ebé ho rendimentu ki'ik iha nasaun laran tomak. Apoiu ne'e sei fó ba uma kain hotu-hotu, ne'ebé kompostu husi pelumenus sidadaun ida, ne'ebé rejista ona, to'o loron 31 fulan-marsu tinan 2020, iha Livru Rejistu "Uma Kain" no ne'e katak la iha ema ruma iha uma kain ne'e maka simu fula-fulan no ho forma regulár, osan ho valór boot liu husi dolar amerikanu 500. Apoiu ne'e ninia valór maka dolar amerikanu 100 kada fulan ba uma kain ida-idak. Apoiu ne'e sei selu hahú husi fulan tuir mai husi fulan iha ne'ebé diploma ida-ne'e hetan aprovasaun, no osan ne'ebé atu selu ne'e maihusi Fundu COVID-19.

Konsellu Ministrus aprova ona proposta atu sosa foos husi Vietnam, ne'ebé Ministru Koordinadór Asuntus Ekonómikus iha ezersísiu, Fidelis Manuel Leite Magalhães, apresenta hodi reforsa *stock* foos ne'ebé iha atu nune'e, bele hatán ba nesesidade bainhira kuran foos durante pandemia COVID-19.

Ministru Obras Públikas, Salvador Soares dos Reis Pires, apresenta projetu Deliberaoan ida, ne'ebé hetan ona aprovasaun husi Konsellu Ministrus, kona-ba alterasaun ba kontratu públiku empreitada nian ne'ebé asina ona iha loron 14 fulan-setembru tinan 2016, ho empreza China Wu Yi Co. Lda, hodi hadi'a no halo manutensaun estrada sira iha Dili.



Palácio do Governo,  
Avenida Presidente Nicolau Lobato,  
Dili, Timor-Leste



# PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete  
Porta-Voz

Ministru Saúde iha ezersísiu, Bonifácio Maukoli dos Reis, apresenta ona ba Konsellu Ministrus, pontu situaun kona-ba pandemia COVID-19 iha país ne'e. To'o oras ne'e rejista ona kazu pozitivu sira konfirmadu husi ema ne'ebé mak infetadu hosi Koronavirus foun maka na'in 23 no kazu sira ne'ebé maka provavel iha haat. Pasiante sira ne'ebé infetadu ona husi Koronavirus foun ne'e, la hatudu sintomas ka hatudu sintomas kmaan de'it. Rejista ona mós pasiente ida ne'ebé rekupera ona. Dadaun ne'e, hein hela rezultadu teste ba kazu sira suspeitu 28 no 327 hetan rezultadu negativu. Totál ema ne'ebé daudaun ne'e hela iha kuarentena obrigatória maka na'in 405 no halo kuarentena ba an-rasik iha sira-nia uma hamutuk na'in 27. Sidadaun hamutuk 1643 maka remata ona período kuarentena nian durante lora 14.

Konsellu Ministrus fó sai ona kampaña semanál ida, hamutuk ho Organizaun Nasoins Unidas, nian atu "Basa Liman ba Eroi Timoroan sira" hodi hatudu konsiderasaun públiku nian ba traballador sira ne'ebé serbisu iha liña oin atu hasoru COVID-19, hodi partisipa iha basa liman hamutuk rame-rame. Ho forma ida-ne'e, fó korajen ba ema hotu iha Timor-Leste, atu basa liman kada semana, iha lora tersa, iha tuku 7 kalan durante minutu 5 iha ida-idak nia uma, hahú iha tersa, lora 28 fulan-abril, nune'e partisipa iha kampaña "Basa Liman ba Eroi Timoroan sira", no rejista momentu hirak-ne'e iha vídeo no fahe mensajen, fotografia sira, vídeo iha rede sosiál sira, ho tag #Applaud4TimoreseHeroes. **HOTU**



Palácio do Governo,  
Avenida Presidente Nicolau Lobato,  
Dili, Timor-Leste